

ІІ. Відки ваяла ся жаба?

Коли Іисусъ Христосъ ходивъ по земли изъ св. Петромъ, то онъ пришли идъ едному валалу (селу) и сѣли собѣ подъ дичку (грушу), котра стояла на концу валала. Иде чоловікъ дорогою около нихъ и плаче.

— Што тобі небоже? каже Іисусъ Христосъ.

— Народила ся у мене дѣтина, та нехоче никто ити за кума, жемъ худобный.

— Неплач, піду я

И пішовъ до нього Небесный, подержавъ дітину підъ святу воду; пришли домівъ, а тамъ ужъ виштко стояло на столѣ, чого требало идъ гостинѣ. Наѣлися и напилися чамяно (гарно), а потому коли Христосъ ставъ зберати ся, то знявъ изъ худобного свого кума бочкоры (ходаки), завадивъ на вѣшало, а обувъ го въ нові чижмы (чоботи) и каже: обысь нигда не знімавъ очи изъ бочкіръ, та добрі ті буде. — И пошовъ.

И став ся изъ худобного чоловіка богачъ подъ рокомъ, а вінъ якъ збогатѣвъ, такъ и набравъ ся пыхи, ставъ ганьбити ся своїхъ бочкіръ и шмаривъ (викинувъ) ихъ воінъ.

Неодовго иде Іисусъ Христосъ черезъ того село и каже Петрови: „Петре, нащивити (відвідати, з чеського „navštivit“) бы намъ нашого кума, якъ єму веде ся.“ — Добрѣ, господе, нащивме. — И зашли къ ньому по надъ вечуръ; вошли до хижи, сѣли собѣ за стілъ, а газды не было дома. — Приходить овінь домівъ, отворяє двері и отразу згулякавъ (закричавъ):

— Воінъ изъ хижи, цундравы жобраки!

— Куме, куме — каже Іисусъ Христосъ, — не сердьте ся.

— Чортъ вамъ кумъ, не я.

— Но, кедь чортъ тобѣ кумомъ, то идь и ты идь чорту, твому кумови, — и шмаривъ єго у млаку (озеро); а изъ нього доразъ спрвила ся жаба.

Ажъ тогди вінъ обачив ся и ставъ кричати: кумъ, кумъ, кумъ!

— О, нѣть, не кумъ, забывъ ты на свои бочкоры. — И пошовъ Христосъ далей.

Записав на Угорській Руси о. Анатоль Краліцкій.

Отсе оповідане разом з кількома іншими, котрі надрукуємо в дальших книжках, одержали ми від проф. М. Драгоманова, котрому воно ще в р. 1886 прислане було о. Анат. Краліцким з Угорської Руси для его збірки „Малорусскія народныя преданія и разсказы“, та прийшло за пізно, коли збірка вже була видрукована. Ми друкуємо речі записані о. Краліцким, заховуючи его власну правопись.

Редакція.